



Txhawb kom koj tus me nyuam muaj tus cwj pwm coj zoo thiab kawm tau ntawv: Npaj ib txoj hau kev los siv cov kev txhawb qhia thiab pab tus cwj pwm koj zoo nyob hauv tsev

(Encourage Your Child's Positive Behavior and School Success)

Cov niam cov txiv ua tau ib tes dej num tseem ceeb los pab kom lawv tus me nyuam kawm tau ntawv nyob hauv tsev kawm ntawv. Txawm tias cov niam txiv yuav muab tau lub tsev kaj siab lug los txhawb txoj kev kawm thiab tus cwj pwm koj, los yog lis dej num nrog tsev kawm ntawv txog cov hom phiaj tshwj xeeb rau lawv tus me nyuam los, tej no puav leej yog qhov tseem ceeb cov niam txiv ua los txhawb lawv tus me nyuam txoj kev kawm ntawv. Thaum tsev kawm ntawv thiab cov niam txiv lis dej num ua ke sib koom tes ntxias, cov me nyuam yuav kawm tau ntawv zoo heev nyob hauv tsev kawm ntawv.

Qee cov tsev kawm ntawv ho txhawb qhov koj tau zoo li cas

Cov kev txhawb qhia thiab pab koj tus cwj pwm zoo thoob plaws koog tsev kawm ntawv yog ib lub tswv yim uas qee lub tsev kawm ntawv siv los qhia kom muaj tus cwj pwm koj haum. Kev txhawb fawb yeej qhia tau lawm tias lub tswv yim qhia li no tseem txhawb tau kev qhia ntawv thiab txoj kev kawm. Txoj kev txhawb qhia no yog muab los ntawm lub tswv yim tias tsev kawm ntawv:

- Yuav tau txheeb xyuas cov kev txawj koj xav kom muaj (Piv txwv li, muaj kev kaj siab, sib hwm thiab muaj fem xyuam). Cov ua hauj lwm thiab cov kawm ntawv hauv tsev kawm ntawv yuav yog cov ua tus qauv los koj kom muaj cov cwj pwm koj no.
- Qhia cov cwj pwm koj thiab cov tswv yim raws li cov cwj pwm xav kom muaj.
- Muab kev qhuas rau qhov siv tau cov cwj pwm koj thiab cov tswv yim no nrog txoj kev tswj qhia.

Cov niam txiv muaj cuab kav txhawb qhov koj tau zoo li cas

Tam li ib leej niam leej txiv, koj muaj cuab kav ua ib feem ntawm lub tswv yim txhawb kom kawm tau ntawv li qhov muab cov kev txhawb qhia thiab pab kom muaj tus cwj pwm koj zoo no los siv nyob hauv tsev. Thaum koj qhia koj tus me nyuam thiab siv tib cov cwj pwm koj xws li tsev kawm ntawv qhia thiab tswj kom koj tib yam nyob hauv tsev, koj yeej yog txhawb kom koj tus me nyuam muaj txoj kev loj hlob ntawm txoj kev koom tau nrog lwm tus thiab txoj kev kawm ntawv.

Koj muaj cuab kav pib:

- Piv koj tsev neeg txoj cai tswj thiab qhov xav kom koj tau nrog cov cwj pwm koj tsev kawm ntawv xav kom muaj.
- Txiaiv txim siab seb koj yuav muab cov cwj pwm koj zoo no los siv nyob hauv tsev thiab hauv zej zog li cas.
- Txheeb xyuas ib txoj hau kev los teeb lub caij nyoog nyob hauv tsev (saib qhov piv txwv nyob sab ntawv nrau)
- Ua tus qauv koj tus cwj pwm koj koj xav pom thiab tswj kom ua tau ntxiv mus zuj zus.

Cov tswv yim los npaj ib txoj kev txhawb qhia thiab pab tus cwj pwm coj zoo hauv tsev.....

Tsim kom muaj ib txoj kev txhawb qhia hauv tsev yuav pab koj qhia tau cov cwj pwm coj zoo thiab txawj nrog lwm tus. Pib los txheeb xyuas qhov xav kom coj tau tiag tiag ntawm koj tsev neeg. Piv txwv li, koj tsev neeg qhov xav kom coj tau yuav yog: txawj sib hwm, muaj feem xyuam, thiab txawj sib pab.

Yog koj tus me nyuam lub tsev kawm ntawv tab tom siv cov kev txhawb qhia li hais no, koj yuav xav siv cov kev xav kom txawj coj uas tsev kawm ntawv tau txheeb pom. Txiav txim siab seb yuav xyuam ua tus qauv coj li cas thiab ntsuam xyuas koj tsev neeg qhov xav kom txawj coj thiab cov cwj pwm coj nyob hauv ntau lub sijhawm ntawm ib hnuv los yog ntau qhov chaw nyob hauv koj tsev neeg.

Thaum koj tau ua li no lawm, npaj ib daim ntawv kos muaj kem thiab muab tso rau qhov chaw sawv daws pom. Ces txiav txim siab seb koj yuav muab kev qhuas li cas rau thaum ib tug coj tau zoo. Piv txwv li, tej zaum koj tus me nyuam yuav tau ib lub caij mus muaj kev lom zem rau ob hnuv so los yog muaj cuab kav xaiv seb yuav ua zaub mov dab tsi rau pluas hmo. Txawm yog koj siv txoj kev tswj li cas los xij, siv mus tas li, muab qhov ua kom tau yooj yim, thiab xyuas meej tias koj muab kev qhuas rau tus coj tau zoo ntau tshaj li tus coj tsis tau zoo. Saib daim ntawv hais qhia piv txwv txog cov kev txhawb qhia nyob rau thaum kawg ntawm tsab lus no.

Nco ntsoov tias, pab kom koj tus me nyuam coj tau tus cwj pwm zoo yuav tau muaj kev sib cog npaj ntawm tsev neeg. Qhov nov txhais tias, cov niam txiv yuav tsum npaj txoj hauv los cuab zog qhov tsev neeg xav tau, tab sis tseem yuav tau ua tus qauv coj tus cwj pwm zoo raws li siab nyiam thiab.

Thaum koj siv txoj kev txhawb qhia tus cwj pwm coj thiab qhia tawm qhov tsev neeg xav kom coj tau, koj tus me nyuam yuav kawm tib co kev qhia nyob hauv tsev kawm ntawv thiab hauv koj lub tsev. Qhov ua li no yuav yooj yim rau koj tus me nyuam los hloov nws tus cwj pwm coj, thiab tseem yuav txhawb tau koj tus me nyuam txoj kev kawm tau ntawv nyob hauv tsev kawm ntawv.

Nov yog ib txoj kev txhawb qhia tus cwj pwm coj zoo nyob hauv tsev

PBIS HOME PLAN				
COV KEV XAV KOM TXAWJ COJ	Ua ntej mus kawm ntawv	Tom qab kawm ntawv los	Nyob rau hnuv so	Nyob hauv zej zog
Txawj sib hwm	Txhua tus koom siv chav dej. Txawm koj tsis yog tus nyiam sawv ntxov los, yuav tsum txawj sib hwm	Los kiag tsev thaum tsev kawm ntawv kaw lawm. Nco ntsoov cov kev tswj rau kev tawm hauv tsev mus.	Tham cov kev npaj ua kom tseeb nrog niam thiab txiv	Yog koj nqa xov tooj ntawm tes, nco ntsoov nqa nrog koj mus.
Muaj feem xyuam	Caws moo. Sawv thaum lub moo nrov. Noj tshais. Mus tos npav.	Hu rau niam thiab txiv thaum koj los txog tsev yog hu tau. Coj tus aub tawm mus nraum zoov. Ua koj cov ntawv nqa los ua hauv tsev.	Tsis txhob hloov qhov koj npaj ua yam tsis tau qhia niam thiab txiv.	Siv cov cai caij npaj thiab mus raws li cov kev qhia tom kev thaum caij npaj (xws li cov paib nres, nres saib, taw qhia, ntoo kaus mom thaiv taub hau).
Txawj sib pab	Kho koj lub txaj.	Npaj lub rooj noj mov. Pub aub.	Tu koj chav pw. Ntxhua koj cov khaub ncaws. Pub thiab coj aub tawm mus nraum zoov.	Khaws tej khoom poob ntawm tej rau hauv thoob khaws khoom pov tseg. Txhob lam npau taws.

Cov kev txhawb qhia ntxiv

Xav kawm kom paub ntau ntxiv txog cov kev txhawb qhia thiab pab kom muaj tus cwj pwm koj zoo, mus saib tau rau:

PACER Center’s Children’s Metal Health and Emotional or Behavioral Disorders Prject ([PACER.org/cmh](https://www.pacer.org/cmh))

Qhov website no muab tau cov ntaub ntawv hais txog cov kev txhawb qhia thiab pab kom muaj tus cwj pwm koj zoo (PBIS), nrog rau cov ntawv sau and cov qauv ntawm cov tswv yim los qhia rau cov niam cov txiv tias yuav siv cov kev txhawb qhia no nyob hauv tsev kawm ntawv, hauv tsev, thiab hauv zej zog tau li cas.

Kansas Institute on Positive Behavior Support ([kipbs.org](https://www.kipbs.org))

Lub tuam txhab ntawv saib tau online no muaj cov ntaub ntawv qhia txog ntau cov ntsiab lus, nrog rau kev txhawb qhia kom muaj tus cwj pwm koj zoo thoob plaws koog tsev kawm ntawv thiab xeev thiab tsev neeg cov kev pab txhawb.

Minnesota School-wide Positive Behavioral Interventions and Supports (SW-PBIS) ([pbismn.org/](https://www.pbismn.org/))

Qhov chaw no muaj cov ntaub ntawv qhia txog cov kev txhawb qhia thiab pab kom muaj tus cwj pwm koj zoo thoob plaws hauv Minnesota.

Positive Behavioral Interventions and Supports ([pbis.org](https://www.pbis.org))

Lub website no muaj cov ntaub ntawv tseem ceeb heev rau cov niam cov txiv thiab cov lis dej num hauv tsev kawm ntawv uas txaus siab los siv cov kev txhawb qhia thoob plaws koog tsev kawm ntawv (SW-PBIS). Qhov site no tau tsim los ntawm qhov chaw pab cuam cov kev txhawb qhia thiab pab kom muaj tus cwj pwm koj zoo, uas yog tau tsim los ntawm Office of Special Education programs, U.S. Department of Education.

Technical Assistance Center on Social Emotional Intervention for Young Children ([challengingbehavior.org](https://www.challengingbehavior.org))

Nrhiav cov ntaub ntawv hais txog qhov yuav ua li cas thiaj tsis muaj tus cwj pwm koj tsis haum thiab yuav ua dab tsi tau thaum tshwm sim los lawm.